



de pefferkär

D'Alternativ fir Péiteng

Gemengewalen 2017

ADR: Fir de Choix

D'ADR ass d'Partei vun der Rente-gerechtegheet. Mat hirem 3x Nee ass d'ADR d'Partei vum Referendum. D'ADR huet gewisen, datt si denkt, wéi d'Leit am Land och denken.

D'ADR ass eng jonk Partei mat just 30 Joer. Vun hire soziale Wuerzelen huet si sech weiderentwéckelt zu enger sozial engagéierter, un de Wäerter vum Land orientéierter Partei. D'ADR verdeedegt d'Demokratie an d'Rechter vum Eenzelen. Duerfir wëlle mir eisen Asaz an der Gemengepolitik verstärken.

Mir bezéie kloer Positiounen, an eis Haaptthema bleiwen an der Gemengepolitik aktuell:

- Lëtzebuerger Sprooch a Kultur
- Integratioun

- Schoul, Familljen- a Sozialpolitik
- Antriede fir d'Privatsphär an d'Meenungsfräiheet, mee och fir d'Sécherheet
- eng humanistesche a rechtliche Approche zur Flüchtlingspolitik
- Hannerfroen vun den EU-Exzessen an d'Betounen vum Wäert vum Nationalstaat
- fräi Maartwirtschaft a keng Verwaltungswaasserkäpp

D'ADR verdeedegt de Prinzip vun enger staarker Gemengenautonomie. De Staat soll sech, no dem Subsidiaritätsprinzip, just ëm déi Aufgabe këmmern, déi net besser vun der Gemeng ze erleeche sinn.

Hëllef beim Zuch- a Busabonnement



E Joresabonnement daerf kee Privileg sinn.

Als ADR fuerdere mir, datt den öffentlichen Transport gratis gëtt. Esou laang dat awer net de Fall ass, soll séchergestallt sinn, datt och déi Leit, déi finanziell e schwéiere Stand hunn, sech den öffentlichen Transport ouni Bedenken, gréisstert Abéissen oder onnéidegen Ausgabe leeschte kënnen.

Fir déi betraffe Leit ass e Joresabonnement vu 440 Euro – dat an enger Kéier bezuelt gi muss – eng deier Investitioun. Dofir wäert all Gemeng, wou d'ADR en Entscheidungsrecht huet, dat Abonnement finanzéieren hëllef, z.B. iwwer eng Avance, déi am Laf vum Joer kamoud op de Mount kann zrëckbezuelt ginn. Esou mussen se déi beträchtlech Zomm net ënnerhalb engem Mount abéissen a si spueren 160 Euro d'Joer géigeniwwer dem Abonnement op de Mount.

Inhaltsverzeechnes

ADR: Fir de Choix

Hëllef beim Zuch- a Busabonnement

Säit 1

Sportlech, gesondheetlech a kulturell Engagement

Säit 2

D'Lëtzebuerger Sprooch a Kultur op éischter Plaz!

Eng behënnerten- a senioregerecht Gemeng
6 Prioritéiten fir Är Gemeng
Solidaresch a sozial gerecht

Säit 3

Kompetent, gerecht politesch Gouvernance, w.e.g.!

Member-Formulär

Säit 4

Konkret Hëllef fir Famillje mat Kanner
Öffentlech Toilettë fir de Véier- an den Zwee-beener

Bussarrête fir schlecht Wieder riichten

Säit 5

Flüchtlingen ophuelen, mat Häerz, awer och mat Verstand!

Tourismus an der Gemeng läit eis um Häerz!

Säit 6

Ëmwelt a Liewensqualitéit sinn eis wichteg!
Keng Parkplazsuerge fir d'Awunner vun der Gemeng

Säit 7

Eis Kandidaten fir Är Gemeng

Säit 8



Walprogramm (Lëtzebuergeresch)

- https://adr.lu/alternativ_2017_l/
- **Wahlprogramm (Deutsch)**
- https://adr.lu/alternativ_2017_d/
- **Programme électoral (Français)**
- https://adr.lu/alternativ_2017_f/
- **Election program (English)**
- https://adr.lu/alternativ_2017_e/
- **Programa eleitoral (Português)**
- https://adr.lu/alternativ_2017_pt/



Sportlech, gesondheetlech a kulturell Engagementer

D'ADR an der Gemeng setzt sech an am Beräich ...

... Sport:

Am Aklang mat de reelle Bedierfnesser vun de Clibb setzt sech d'ADR voll a ganz fir d'ënnerstëtzung vu lokale Sportsveräiner an. Mir sinn der Meenung, datt een iwwert den Engagement vun de Sportsclubb integrativ d'Kanner- a Jugendbetreierung ënnerstëtze kann. Sportprogrammer solle sech zudeem un de breede Publikum richten a Bierger aus allen Altersklasse sollen u sportlechen Aktivitéiten deelhuele kënnen. D'ADR an Ärer Gemeng wäert

- déi lokal Sportsveräiner finanziell ënnerstëtzen an hinnen déi néideg Infrastruktur zur Verfügung stellen.
- Sport och am drëtten Alter mat adaptéierte Méiglechkeete fërderen an ënnerstëtzen.
- eng global Versécherung ofschléisse fir Fräizäitaktivitéiten, déi d'Gemeng ubitt.
- Sportinstallatiounen fir de breede Publikum an de Parken opstellen.



De Sport soll fir de breede Publikum a fir all Altersklass eppes ze bidden hunn

... Gesondheet:

D'ADR an Ärer Gemeng wäert am Beräich vun der Gesondheet:

- Konzepter erschaffen, déi d'Versuergung um medezineschen Niveau verbessern
- déi medezinesch a medikamentéis Versuergung an Noutfäll, nuets an de Weekend méi efficace gestalten an domat verhënneren, datt de Bierger wäit Weeër muss zrëckleeën, fir déi néideg Versuergung ze kréien.



Den Zougang zur Kultur mécht de Mënsch zougänglech fir d'Gesellschaft

... Kultur:

D'Fërdere vun engem spannenden a faarwege Kulturlewen ass eng vun der Gemeng hiren zentralen Aufgaben. D'ADR an Ärer Gemeng wäert:

- lokal Kulturveräiner a Kulturhaiser beim Erschafe vun engem variéierte Kulturprogramm materiell ënnerstëtzen.
- systematesch ëffentlech «Bicherschief» an de Quartieren an all Uertschaft vun der Gemeng opstellen.
- kulturell Veranstaltungen (Concerten/Theater) an der Gemeng organiséieren/ënnerstëtzen, an dobäi den Akzent op d'Lëtzebuerger Kultur leeën.
- d'Lëtzebuerger Kultur fleegen an un auslännesch Matbierger vermëttelen, fir d'Integratioun ze fërderen.

adr-
ALTERNATIV DEMOKRATESCH
REFORMPARTEI

D'Alternativ fir Är Gemeng!

www.adr.lu

D'Lëtzebuerger Sprooch a Kultur op éischt Plaz!

D'ADR ass déi Partei, déi sech wéi keng aner an ouni Kompromesser fir d'Lëtzebuerger Sprooch asetzt. Mir setzen eis dofir an, datt d'Lëtzebuerger Sprooch net nëmmen op nationalem, mee och op kommunalem Niveau zu hirem Recht kënn.

D'ADR setzt sech dofir an, datt d'Lëtzebuerger Sprooch un éischter Plaz steet:

- an de Gemengepublikatiounen
- a Bréiwer, Dokumenter an Informatiounen
- um Internet-Site vun der Gemeng
- an der Äntwert op een - op Lëtzebuergesch

formuléierte - Bréif

- op Stroosseschëlde
- als Integratiounshëllef mat gratis Sproochecoursen (eventuell mat enger Aschreiftax, déi bei Präsenz an de Coursen zeréckbezuelt gëtt). Déi Coursen sollen och ausserhalb vun übleche Schaffzäiten ugebuede ginn.

D'ADR huet kee Problem domadder, wann d'Awunner vu Lëtzebuerg zousätzlech nach an anere Sproochen informéiert ginn. Allerdéngs hale mir dorop, datt Lëtzebuergesch déi éischt Sprooch ass.



Wat gelift? Ass d'Lëtzebuergesch net eis éischt Sprooch? Et ass ëmmer nach d'Landessprooch!

6 Prioritéite fir Är Gemeng

1. **Bezielbaart Wunnen:** D'ADR huet konkret Solutiounen fir d'Gemeng!
2. **Ëffentlech Sécherheet heescht Sécherheet fir jiddereen:** Eis Gemeng brauche méi Police, eis Bierger brauche Kommissariater, do, wou si wunnen.
3. **Mobilitéit ouni Dirigismus:** D'Gemeng organiséiert de Matenee vun Auto, Foussgänger a Vëlo. Si mécht net de Choix vum Verkéiersmëttel.
4. **Famillje mat Kanner beschméiglech ënnerstëtzen:** Mir brauchen Uertschaften, wou Kanner sech kënnen wuelfillen an entfalten.
5. **D'Lëtzebuerger Sprooch als wichtegst Mëttel zur Integratioun:** Un der Gemeng ass et, eis Sprooch ze verbreed.
6. **Flüchtlingen ophuelen, mat Häerz awer OCH mat Verstand:** D'Gemeng muss an dëser Fro matschwätzen an d'Decisiounen dierfen net iwwer d'Käpp vun de Bierger ewech geholl ginn.

Solidaresch a sozial gerecht

Well Solidaritéit a sozial Gerechtegkeet zur gudder Liewensqualitéit bäidroen, muss d'Gemeng mat Verantwortung droen, géigeniwwer de Matbierger am héijen Alter an deene mat Krankheet oder Behënnerung. Zesumme mat spezialiséierten Associatiounen an Hëllefsgéngschter soll d'Gemeng dozou bäidroen, datt déi betraffe Leit net aus dem ge-sellschaftlechen, kulturellen a sportleche Gemeng-liewen ausgeschloss ginn.

Fir dëser Verantwortung gerecht ze ginn, suergt d'ADR dofir, datt d'Gemeng:

- intergenerationell Projeten ausschafft a fërdert
- e qualitativ héichwäertegen an ëmweltfrëndleche Service "lessen op Rieder" ubitt
- e flexiblen Transport fir déi Betraffen ubitt, fir um alldiegleche Liewen deelzehuelen
- Komfort- a Gesondheetsdängschter am Duerf- oder Quartierszentrum huet (Epicerie, Bäckerei, Zeitungsbutek, Banco-mat, Apdik, Dokterpraxis)
- kommunal Gebailechkeete fir esou Dängschter iwwer de Wee vum symbolesche Loyer zur Verfügung stellt

Eng behënnerten- a senioregerecht Gemeng

D'UN-Konventioun fir d'Rechter vu Mënsche mat Behënnerung gouf 2011 vu Lëtzebuerg ratifizéiert. Och wann hei punktuell scho munches ëmgesat gouf, sou feelt nach ëmmer viles. Ëmmer nach stoussen déi betraffe Leit op schwierig Situatiounen, déi hinnen et net erlaben, u gesellschaftlechen Ulass deelzehuelen oder sech fräi an der Gemeng ze beweegen, ouni op äusserlech Aschränkungen ze stoussen.

D'ADR setzt sech dofir an, datt déi komplett Gemengeninfrastruktur am Laf vun der nächster Legislaturperiod behënnerten- a senioregerecht gemaach gëtt.

Dëst betrëfft esouwuel den Accès, wéi och d'Beweegen ënnerhalb:

- administrativen a kulturelle Gebaier
- Gebaier vu Bildungs- a Betreungsstrukturen
- Gebaier vum Gesondheetssystem a vu Fleegstrukturen
- Kierchen a Kierfechter
- Sport- a Fräizäitanlagen
- Sanitär-Anlagen
- Verkéiersstrukturen (z.B.: Busarrëten, Foussgängerluuchten, Stroosseniwergäng, asw.)

Duerfir muss en Inventar opgestallt ginn, an deem fir all ëffentlech Infrastruktur an der Gemeng festgehale gëtt, ob si behënnerten- a se-

nioregerecht amenagéiert ass. Am Gemegebudget muss dann och all Joer e Programm a Kreditter festgehale ginn, fir dës spezifesch Infrastruktur ze verbessern.

Desweideren wäerte mir och d'Bautereglement esou änneren, datt nei Appartementshaier a Geschäftslokaler direkt no behënnerten- a senioregerechte Kritäre musse gebaut ginn.

D'ADR wäert dofir suergen, datt eng integral behënnerten- a seniorefrëndlech Upassung vun alle Gemengeninfrastrukturen net just a Sonndesriede versprach gëtt, mee och an d'Realitéit ëmgesat gëtt.



D'Kanner sinn eis Zukunft, mee déi eeler Leit an déi mat Krankheet oder Behënnerung zielen och.

Kompetent, gerecht politesch Gouvernance, w.e.g.!

D'ADR steet fir eng staark Gemengenautonomie. All Themen, déi op kommunalem Niveau kënne behandelt ginn, sollen och an der Verantwortung vun der Gemeng bleiwen. Mir maachen eis staark fir eng selbstbestëmmt an eegenverantwortlech Gemeng. Fir datt d'Gemegepolitik an deem Sënn hirer wichteger Aufgab voll a ganz gerecht kënne ginn, wëll d'ADR déi folgend Punkten an Ärer Gemeng ëmsetzen:

- Eng systematesch Ënnerstëtzung vun de Gemengen- a Schäfferéit duerch d'Deelhuelen u Formatiounen a Weiderbildungen.

D'ADR an Ärer Gemeng setzt sech desweidere fir eng verantwortungsvoll an nohalteg Finanzpolitik an.

- D'Erhéije vun den Taxen oder Gemengesteiere gëtt, wann ëmmer méiglech verhënnert.
- Wann iergend méiglech gëtt d'Léine vu Sue verhënnert.

D'Léine vu Sue bleift d'Ausnam an däerf nëmmen dann ugewannt ginn, wann et sech op konkret a sënnvoll Investitiounen bezitt.

- Investitiounen sinn nëmmen da sënnvoll, wa méiglechst vill Bierger dovun profitéiere kënnen (natierlech ouni dobäi déi Leit

mat spezielle Bedierfnesser ze vergiessen).

- D'Korruptioun a Vetternwirtschaft op kommunalem Niveau muss ënnerbonne ginn.

D'ADR an Ärer Gemeng suergt dofir, datt d'Entwécklungshëllef prioritär eng staatlech Aufgab bleift.

- Wëllen d'Gemengen eege Programmer fir Entwécklungshëllef opstellen, sollen dës mam Staat koordinéiert ginn, fir duebel Aarbecht an Inkohärenzen ze verhënneren.

D'ADR begréisst d'Gemegefusiounen dann, wann dës eng Plus-value fir de Bierger bréngen.

- Gemegefusiounen nom Prinzip vun der Fräiwëllegkeet an net ouni d'Awëllegung vun de Bierger.

D'ADR respektéiert de Biergerwëllen a mécht sech staark fir méi Biergerbedeelegung an Ärer Gemeng.

- Bei wichtige kommunale Froen soll de Bierger matschwätzen däerfen.
- Et soll an deem Sënn kënnen e Referendum op kommunalem Niveau ofgehale ginn.



Eng gutt Gemeng hält hir Stroossen an ëffentlech Plazen an der Rei. A wou Ausbesserungen ënnerholl ginn, gi se anstänneg gemaach.

----- ausschneiden an un ADR 20, rue de l'Eau L-1449 Lëtzebuerg schécken -----



Gitt Member an der ADR, a frot och Är Famill a Frënn, fir Member ze ginn.

De Joresbäitrag ass fir eng Persoun 14.-€, fir e Stot 20.-€, a fir Schüler a Studenten 5.-€

Numm & Virnumm:

Adress:

Telefon:

E-Mail:

de pefferkär

Oplag: 7.300
Verantwortlech fir dës
pefferkär
vun der Gemeng Péiteng
ass d'Alternativ Demokratesch
Reformpartei
22, rue de l'Eau
L-1449 Lëtzebuerg

www.adr.lu

Konkret Hëllef fir Famillje mat Kanner



D'Eltere mussen hir Kanner a gudden Hänn wëssen, ouni Suergen ëm Qualitéit, Fërderung an Entfalung.

D'Kanner sinn d'Zukunft vun eiser Gesellschaft. Eng optimal Betreierung an Erzéierung, déi och den neie Liewensgewunnechte gerecht gëtt, huet fir d'ADR absolut Prioritéit. D'ADR wëllt den Elteren de Choix loossen, hir Kanner selwer ze erzéien oder qualitativ héichwäerteg Strukturen ze gebrauchen. Wichteg sinn eis dobäi besonnesch och d'Problemer vun elengerzéienden Elteren.

An deem Kontext stelle sech och op kommunalem Niveau eng ganz Rei wichteg Erausforderungen, déi d'ADR bereet ass an eiser Gemeng unzepaken, andeems mir:

- eis asetze fir qualitativ héichwäerteg Crèchen a genuch Plazen an de Gemegecrèchen
- en oppenen Dialog féieren tëscht den Elteren, der Gemeng an de Betreierungsstrukturen (Jugendhaus, Crèche, Schoul, asw.), fir Defiziter méiglechst séier erkennen a mat Verbesserungen entgéintwierken ze kënnen
- eis asetzen, fir eng Maison Relais zu familljefrëndlechen Auerzäiten a mat Zougang op eng Bibliothék, en Turn-sall a Computere fir d'Kanner
- d'Intresse vun de Kanner u kommunale Veräinsstrukturen (Sportsveräiner, Museks- an Theaterveräiner asw.) fërderen a si fréistméiglech an d'Veräinsliewen abezéien (z.B. duerch Schnupperformatiounen)
- d'Jugend beroden, hinne Fräizäitméiglechkeete bidden an hinnen hëllef, sech op d'Aarbecht virzebereeden (mat engem qualitative Konzept fir Projeten zur beruflecher Orientéierung)
- d'Aarmut biergero an onbürokratesch bekämpfen an d'Prozedure fir d'Ufroen vun Hëllef vereinfachen
- e familljen- a kannerfrëndleche Kader schafen, mat propperen an intakte Spillplazen, ëffentleche Wéckeldëscher, asw.



Fräiwëlleg op de Bus waarden, bei Stuerm a Reen?

Busarrête fir schlecht Wieder riichten

Et gi Leit, déi benotzen den ëffentlechen Transport, well si fräiwëlleg op d'Kamouditéit vum privaten Auto verzichten, an anerer well si d'Wiel einfach net hunn.

Et kann awer net sinn, datt déi Leit sech ëmmer nees an där ondankbarer Situatioun erëmfannen, an där si de schlechte Wiederbedingungen ouni Schutz ausgesat sinn, soulaang si um Arrêt op de Bus waarden.

Mir als ADR maachen eis staark dofir, datt all Busarrêt an der Péitenger Gemeng weinstens e Minimum u Schutz viru schlechtem Wieder bidde muss.

Matschaffen! Froen? Ureegungen!

Hutt Dir Froen oder Ureegungen? Oder géngt Dir gär aktiv bei eis matschaffen? Dann zéckt net a rufft einfach un, ënnert der Nummer:

+352 26 20 37 06

Ëffentlech Toilettë fir de Véier- an den Zweebeener

Fir eng Gemeng propper ze halen, ass net ëmmer einfach. Heiansdo ass et den néidege Wëlle vun de Leit, dee felt, mee ëfters sinn et awer och d'Ëmstänn, déi et de Leit erschwéieren, dee Wëllen ëmzesetzen. Dozou gehéiert z.B. d'Feele vun enger Toilette fir eis véierbeeneg Frënn. Ëmmer nees gesäit een Hondsdreck um Trëttoire leien, op Fouss- oder Vélosweeër an op Spillplazen.

Hei kéint eng Hondstoilette scho fir déi Leit eng kleng Hëllef sinn, deenen et net u Wëlle

felt, mee un Ëmsetzungsméiglechkeeten. Dowéinst wäerte mir duerfir suergen, datt all Uertschaft an der Gemeng Péiteng weinstens eng Hondstoilette kritt.

A wa mir dat scho fir de Véierbeener maachen, wëlle mir den Zweebeener na tierlech net vernoléisseg, a géifen och all Uertschaft vun där Gemeng mat weinstens enger ëffentlecher Toilette versueren. Schliisslech war dëst jo och emol virgesinn, mee gouf awer ni ëmgesat.



Ëffentlech Toiletten hëllef d'Gemeng propper halen.

Flüchtlingen ophuelen, mat Häerz, awer och mat Verstand!

Bei der Flüchtlingspolitik ass d'ADR fir human Léisungen, ënner Berécksiichtegung vun deene relevanten internationale Konventiounen. Mir sinn net averstane mat der Flüchtlingspolitik vun der EU a Regierung. Europa kann net jiddereen ophuelen a Lëtzebuerg scho guer net. Dowéinst wëllt d'ADR deene Leit Hëllef bidden, déi d'Hëllef wierklech brauchen. D'ADR ass géint e Quotesystem fir d'Migranten op d'Gemengen ze verdeelen. Mir bestinn op de Prinzip vum fräie Wëllen, geknäppt u bestëmmte Konditiounen.

Fir d'Opnam an der Gemeng gëllt:

- net de Stat eleng decidéiert, mee och déi eenzel Gemeng an hir Bierger entscheede mat iwwer d'Opnam vu Flüchtlingen
- hëlt eng Gemeng fräiwëlleg Flüchtlingen op, kréie si Ënnerstëtzung vum Staat
- fir Flüchtlingen opzehuelen, muss d'Gemeng e volontaristeschen Integratiounsplang hunn
- mat der Flüchtlingsopnam duerf et net zu Parallelgesellschaften kommen

Fir d'Wunnengsfro gëllt:

- sogenannte Containerdierfer brauchen den Accord vun der Gemeng
- de Staat soll net just iwwer d'Prozedur vum POS (plan d'occupation des sols) verfueren
- et däerf net zu "Ghettoen" kommen
- et gi kloer Prozedure fir ALL Leit, déi eng Wunneng brauchen a sichen, ouni Privilegierung oder Diskriminierung vun engen oder aneren



De Staat huet net eleng ze decidéieren, ob Flüchtlingen an eng Gemeng kommen!

Fir d'Integratioun vun deene Flüchtlingen, déi bleiwen däerfen, gëllt:

- d'Gemeng huet eng aktiv Roll am Dialog tëscht de Flüchtlingen an de Bierger a Veräiner
- en Integratiounsplang muss opgestallt ginn, fir d'Leit, déi bleiwen däerfen, Lëtzebuergesch ze léieren a si optimal ze integréieren
- d'Kanner sollen an d'Aktivitéiten vu kommunale Betreiuungsstrukturen agebonne ginn
- Kanner am Grondschoulalter, sollen an der kommunaler Grondschoul opgeholl ginn, ënnert der strikter Bedéngung, datt de Schoulministère zousätzlech Ressourcen (besonnesch Personal a Material) dofir bereet stellt

Tourismus an der Gemeng läit eis um Häerz



De lokale Charme vun der Gemeng soll fir Touristen attraktiv bleiwen.

Fir vill Gemenge spillt den Tourismus eng wichteg Roll. Dofir dréit nieft dem Stat och d'Gemeng an eisen Aen mat Verantwortung an deem Beräich.

D'ADR wäert:

- regional an interkommunal Vëlospisten a Foussweeër
 - ausbauen an ënnerhalen
 - iwwersiichtlech a korrekt beschëlteren
- ëm den Tourismus beméite lokal a regional Syndikater an Tourismusbüroen ënnerstëtzen, fir touristeschen Hebergementer an Aktivitéiten an der Gemeng ze hëllef
- duerch Moosnamen iwwer d'Gemengereglement verhënneren, datt nei Forme fir Touristen opzehuelen (wou z.B. privat Leit hir Zëmmeren zur Verfügung stellen), deenen an der Gemeng etabléierten Hotellen deloyal Konkurrenz maachen
- d'Konzept vu der Vakanz um Bauerenhaff ënnerstëtzen
- historesch Bausubstanzen erhalen

Ëmwelt a Liewensqualitéit sinn eis wichtig!



D'Ëmweltbelaaschtung duerch d'Industriezon muss am A behale ginn!

Der ADR läit d'Ëmwelt um Häerz. Mee d'Problemer mat deem onerhéierte Wuesstem, dee Lëtzebuerg iwwer d'Joerzénge kennt, verlaangen no Léisungen.

Gemenge kënnen iwwerméisseg Offall, Waasser- an Energiekonsum richteg deier maachen. Si kënnen Bauvirschrëfte maachen, fir datt energiebewusst gebaut gëtt. Si kënnen Gréngzonen definéieren a Land vum Wunnengsbau verschounen. Si kënnen dem Bierger hëllefen, säin Dreck ze triéieren a richteg ze entsueren. Symbolesch an ouni vill Fraisen kann d'Gemeng och engem Klimabond bäitrieden.

Eng Gemeng muss awer ëmmer am Déngscht vum Bierger schaffen. Si ass do fir dem Bierger ze hëllefen an net, fir hien ze schickanéieren. Si ass och net do, fir hien ze erzéien. De Bierger soll ëmmer de Choix hunn! "Intelligent Compteuren" hëllefen dem Bierger, fir säi Stromverbrauch ze verstoen. D'Gemeng an de Staat hunn awer kee Recht, op Grond vun dësen Donnéeen dem Bierger seng Gewunnechten ausespionéieren.

D'Liewensqualitéit an de Wunnquartiere heescht: Kee wëlle

Parking, keen Nuetskaméidi, keng ëffentlech Feieren do, wou se d'Nuetsrou stéieren, asw.

Gemengegäuer sinn ideal fir effikass Solaranlagen opzestellen: All Bierger ka sech finanziell doru bedeelegen an dovu profitéieren. Och Kogeneratiounsanlagen maache Sënn.

Dofir wäert d'ADR déi folgend Reegelen an Ärer Gemeng duerchsetzen:

- Gemengeservicer op iwwerméisseg Ressourcëkonsum (Verbëtzen duerch Waasserleitungen, asw.) an ëmweltschounend Praktike préiwen (Botz a Planzeschutzmëttel, Käercher, Bloss- a Suckelapparater fir d'Strooss propper ze halen, asw.).
- Infrastrukturen ewéi Kanäl, Leitungen a Kläranlage plangen mam Wuesstem am Hannerkapp.
- Ëmwelt- an Energienormen däerfen dem Bierger net de Choix huelen oder him Nodeeler bréngen.
- 30 Fudder Waasser gratis op de Kapp an duerno eng progressiv gestaffelt Tax.
- Wann eng Gemeng net laanscht d'Erweiterung vum Bauperimeter kënnt, muss dat esou ëmweltschounend wéi méiglech (keng wäertvoll Gréngzonen) an am Respekt vum Uertscharakter (keng laanggezunne Stroossendierfer) geschéien.
- D'Beanträchtegung vun der Liewensqualitéit duerch iwwerméisseg Kaméidi an iwwerméisseg Nuetsbelichtung kontrolléieren an aschränken.
- Eng Gemeng brauch net just schéi Parken a Plaze mat Beem a Blummen am Bëtong: Si brauch och Gaardekolonien a Gemeinschaftsgäert a Wisen, wou d'Leit kënnen mat hire Kanner spille, Sport dreiwien, asw.
- De Bierger hire Wësch (Sondage) bei der Wunndensitéit (Haiser fir méi Familljen) an Awunnerzuel soll no Informationsversammlungen bei der Gemengeplanung Rechnung gedroe ginn.

Keng Parkplazsuerge fir d'Awunner vun der Gemeng

D'Parksituatioun an de Gemengen ass schwéier a si gëtt an Zukunft net méi einfach.

Dofir sti mir fir de generaliséierte Parking résidentiel an alle Wunnzonen. Op de Gemengen-Parkplazen, déi net fir P&R geduecht sinn, ass d'Parkdauer tëscht 7 Auer moies bis 18 Auer owes op 4 Stonne limitéiert, fir ze verhënneren, datt Pendler hir Autoen duerhistellen.

Mir wëllen och dofir suergen, datt de Parking résidentiel an der Gemeng eenheetlech gereegelt ass. Eng Vignette soll de Awunner onbegrenzt Parkrecht an hirem Quartier an zousätzlech mindestens 2 fräi Parkstonnen um iwwregen Terrain vun der Gemeng ginn.



Gemengenawunner müssen och an hirer Gemeng parke kënnen.



Di Domenico Pipino
57 Joer, Cafetier
Rodange



Alves Oliveira Wildson
38 Joer, Salaré
Rodange



Bouché André
51 Joer, Salaré
Rodange



Di Domenico Linda
22 Joer, Salarée
Rodange



Geschwind Metty
75 Joer, Pensionéiert
Péiteng



Guarmouch Noredine
38 Joer, Salaré
Rodange



Herin Marcel
56 Joer, Kabarettist
Rodange



Junckel Steve
43 Joer, Salaré
Rodange



Mollinger René
69 Joer, Pensionéiert
Rodange



Reiffer Maryse
52 Joer, Witfra, Hausfra
Péiteng



Sarbu Joseph
64 Joer, Geschäftsmann
Péiteng



Schaber Joël
26 Joer, Salaré
Rodange



Schmidt Roland
50 Joer, Pensionéiert
Péiteng



Schmitt Christian
45 Joer, Pensionéiert
Rodange



Steil Christian
34 Joer, Salaré
Lamadelaine



Welter Patrick
48 Joer, Salaré
Rodange



Wolter André
22 Joer, Salaré
Rodange